

PRESTEGARDSMOFONDET - VEDTEKTER

Oppretta 4. mai 1964 av Vossevangen Bygningskommune.

Vedtektene er seinare justert på møte i Voss forliksråd den 7. mai 1965. Seinare justert ved kommunal behandling og merknad frå departementet, jfr. vedtak i Voss kommunestyre 25.02. og 23.04.66, og vedtekne i Voss kommunestyre 20.01.68. Seinare justert ved vedtak i Voss kommunestyre 30.05.96 med godkjenning av Fylkesmannen i Hordaland 10.09.96.

Sist justert ved vedtak i styret for Prestegardsmofondet 04.03.15.

1. Fondet skal vera knytt til Prestegardsmoen og skal brukast til vedlikehald og vidare utvikling av denne, som parkanlegg og friluftsområde og føremål som står i tilknytning til dette, så som badestrand, båthamn, tiltak som hindrar elveutgraving, planting, m.v.
2. Fondet sin grunnkapital ved oppretting i 1964 var kr 280.561,-.
Grunnkapital i 2014 var kr 1.914.766,-.
Fondet sin kapital skal ikkje kunna angripast, og av dei årlege inntektene skal 10% leggjast til denne. Resten av inntektene kan brukast til ovannemnde føremål. Vert ikkje desse brukt eit år, kan dei førast over til bruk for etterfylgjande år.
Ved eventuell årleg inntektsauke skal grunnkapitalen justerast i vedtektene same år.
3. Fondet skal ha eit styre på 5 – fem – medlemmer med like mange varamedlemmer. Fondsstyret vert valt av kommunestyret og har same funksjonstid som dette. Kommunestyret vel leiar og nestleiar.
4. Styret si oppgåve er å forvalta fondet sine midlar på beste måte og gjera vedtak om bruk av midlane i samsvar med det som er fastsett i punkt 1. Eit vedtak er gyldig når minst 3 – tre – av styret røystar for det.
5. Fondet sin rekneskap skal førast av kommunekasseraren og reviderast av kommunerevisor.
6. Innan utgangen av april månad sender styret for fondet årsmelding og rekneskap i revidert stand til kommunestyret til ålment ettersyn i 14 dagar og godkjenning av Voss kommunestyre.
7. Vedtektene kan berre endrast etter vedtak av styret for fondet.

Voss, 04. mars 2015



Lilly Karin Helland (leiar)



Geir Arne Aspebakken



Svein Erik Burud



Kjell Bjarte Tveite



Erik Røthe Klette